



RESOLUCIÓN DA ALCALDÍA

Asunto: NOMEAMENTO DE XUNTA DE GOBERNO LOCAL E DELEGACIÓN DE COMPETENCIAS

Gumersindo Pedro Galego Feal, alcalde-presidente do Concello de Fene, de conformidade co disposto nos artigos 23 da Lei 7/85, de 2 de abril Reguladora das bases do réxime local e 52 do RD 2568/1986, de 28 de novembro de 1986, polo que se aproba o Regulamento de organización, funcionamento e réxime xurídico das Entidades Locais,

RESOLVO:

1º Nomear membros da Xunta de Goberno Local do Concello de Fene ós seguintes concelleiros e concelleiras:

- Rocío Aurora Bértoa Puente
- Tamara Miragaya López
- José Andrés Serantes Panceiras
- Juana Barro Couto
- Juan José Franco Casal

2º Delegar na Xunta de Goberno Local as seguintes competencias da Alcaldía:

a) Concesión de toda clase de licencias de parcelación e segregación, obra e instalación, as licencias de primeira ocupación, utilización e as licencias de apertura de establecementos e actividades, declaración completa de comunicacións previas e, en xeral, a súa toma en coñecemento, así como a declaración de innecesariedade de licencias de segregación, parcelación ou división de terreos.

b) A concesión de autorizacións para a utilización privativa ou especial de bens de dominio público, agás as relativas a actividades recreativas consistentes en festas e verbenas.

c) A aprobación dos expedientes e adjudicación das contratacións e concesións de toda clase, incluída a adquisición de bens e dereitos cuxa competencia lle atribúe á Alcaldía a normativa vixente a partir dun valor estimado do contrato de 50.000 €, impostos excluídos, así como a modificación, resolución e imposición de penalidades por incumprimentos contractuais nos referidos expedientes de contratación e adquisición.

d) O alleamento de bens e dereitos do patrimonio municipal cuxa competencia lle atribúe á Alcaldía a normativa vixente a partir dun valor estimado do contrato de 50.000 €.

e) A aprobación da oferta de emprego público de cordo co presuposto e o cadro de persoal aprobados polo Pleno, aprobar as bases das probas para a selección do persoal funcionario de carreira e laboral fixo e para os concursos de provisión de postos de traballo.

f) A declaración de situacións administrativas do persoal ó servizo da Corporación.

g) Concesión, transmisión ou modificación de licencias de auto-turismo, así como a súa publicidade

h) A concesión de subvencións cando estean sometidas a procedemento de concorrencia competitiva.

i) Recoñecer todas as obrigas e a aprobación de todos os gastos dentro dos límites que competan ó alcalde así como a ordenación do seu pagamento, coa excepción dos que se indican a continuación: as liquidacións por inserción de anuncios en boletíns e diarios oficiais, os gastos imputables ó capítulo 1 (nóminas, seguros sociais, etc), gastos de indemnizacións por asistencias a órganos colexiados dos membros da corporación, gastos de indemnizacións por razón do servizo do persoal municipal e órganos de goberno, gastos obxecto de domiciliación bancaria (cotas de xuros e amortizacións da débeda municipal, comisións bancarias e outros gastos financeiros imputables ó capítulo 3, etc), e as facturas relativas a gasto corrente e pago periódico dos conceptos orzamentarios 200, 202, 213, 222, e dos subconceptos 22100, 22101, 22102, 22500, 22501 e 22502.

j) A aprobación inicial dos instrumentos de planeamento de desenvolvemento urbanístico e a aprobación dos instrumentos de xestión urbanística e dos proxectos de urbanización.

Documento asinado electronicamente, pódese validar a sinatura co código indicado na marxe na <https://sede.fene.gal>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).



3º As delegacións feitas comprenden facultades resolutivas mediante actos administrativos que afecten a terceiros.

4º As sesións ordinarias da Xunta de Goberno Local terán lugar todos os xoves ás 9.00 h

5º Desta resolución darase conta ao Pleno da Corporación na primeira sesión que se celebre, notificándose aos designados e publicándose no boletín oficial da provincia, sen prexuízo da súa efectividade a partir do día seguinte ao da súa sinatura.

6º Quedan derogados calquera outro decreto ou resolución que se opoña ao contido desta resolución.

7º Notificar persoalmente ós nomeados a presente resolución, ordenar a súa publicación no Boletín Oficial da Provincia e dar conta desta resolución ó Pleno da Corporación na primeira sesión que se celebre.

C I F : P - 1 5 0 3 6 0 0 - G

En Fene, asinado dixitalmente na data que figura na marxe polo Sr. alcalde Gumersindo Pedro Galego Feal, do que eu, Estefanía Manteiga Lamas, como secretaria, dou fe.

(FECHA: 01/07/2019 11:18:00)

Estefanía Manteiga Lamas

(FECHA: 01/07/2019 11:11:00)

Gumersindo Pedro Galego Feal

Decreto Nº: 673/2019 - Fecha de decreto: 01/07/2019
Versión imprimible

CVD: A1um6G29P+tAj6BOJqzv
Verificable en la Sede Electrónica del Organismo.

Documento asinado electronicamente, pódese validar a sinatura co código indicado na marxe na <https://sede.fene.gal>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).